

GOSPEL TANGKOU

(Gospel Herald)

Issue No. 9

Volume : XXXIV

December

2019



2019-2020 KUM THUPI

“Lungkelou in Mangpa nna sem vai...”

Jeremiah 12:5

EDITOR:

Rt. Rev. Dr. S.K MANLUN

Gospel Tangkou December 2019

EDITORIAL BOARD

Founder Editor:

Rev. M.Hauzalian
Mobile No - #09275259138
E-mail :lianmanlund@yahoo.com

Editor:

Rt.Rev. Dr. S.K. Manlun
Mobile No - +91 9612152332
E-mail :melchqtrs@gmail.com

Joint Editor:

Upa S. Zamkhanpau
Mobile No- +91 9612574232

Assistant Editor:

Rev. Rtd. S. Nengkhanmang
Mobile No- +91 8974139641

Contributing Editor:

1. Rev. Dr. Hangminthang,
Director of Ministries
Mobile No. +919612997858
2. Rev. Thangliankham,
Director of Missions
Mobile No. +9862830905
3. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	01
Christmas Sermon	02
Jesu pien hun...	05
Suolam mipilten...	09
Mission Khawmpi report	15
Mangpa muong mi...	17
Kisah theina...	19
A pilhuoi thuhilna...	20
Hagau lam Bethelehem...	22

Patron Member ₹.1500/-
Kum khat lah man:
Khut ah - ₹.150/-
Dah ah - ₹.200/-

Article zousie Editor kunga pieh ding; ahilouleh, e-mail in
melchqtrs@gmail.com tungtawn in a piehthei ding hi. Tualeh, a lahman
Circulation Manager kunga pieh ding ahi.

Gospel Tangkou December 2019

Editor dawkan apat



GREETING MESSAGE CHRISTMAS 2019 & NEW YEAR 2020

Ajatat huai Manggam a seppi Upa Lamkaite leh Hattuum misiengthoute zousie, ahing pei kia ding i Mangpa Jesu Christ min ngainou toh Christmas 2019 leh New Year 2020 chibai kahing buh hi.

Tunin, Bethlehem ah eite a ding in i Hundampa I Mangpa Jesu Christ - Lemna Mangpa a hing pian bangin hattuum misiengthoute zousie kung ah hing pieng chiet taken.

Tualeh I galdot uh Kum 2020 khu hattuumte leh mimal chin in thupha i tan kum uleh guolzawlina i tan kum uh hing hi henlen, eite dingin ki itna, kituahna, Hagau Siengthou pawlina leh Athutah a khanletna kum hi dingin ka deisahna lianpen hattuum misiengthoute zousie kungah kahing hah hi.

Mangpa'n thupha hing pechiet in, Christmas leh Kumtha mannuom chiet ta un.



Merry Christmas
2019 & HAPPY NEW YEAR 2020

Christmas Sermon

En un Pasion belamnou vannei khelna pomang Pa...

(John 1:19)

~ Pastor S. Nengkhanmang

Pasion lung sung a liemna damtheilou khu Mangthangte sui a hutdam ding thu ahi. Tam thu khu Tui leh Leitung pienma a Mangpan a lel sa ahi. (John 1:29) Tami thu khu Lei leh Van bawlding sanga lien jaw Pasion lunggel ahi. Mihingte pienma sang lai hun ahia, mikhielte tandoh dinga mihing tapa Leitung a hing kum na ding Pasion guonlawh na thu Guolnei Mikah in tambang in a hing gen hi. Aw nang Bethlehem Epharathah, nang a pat in Israel vaihawm ding Pa ahing pieng ding hi. Ama hing kipatna khu Tanglai leh ni masalaite ahi ta bou hi. (Mik.5:2) Puondum Bible.

Pasion in Lei leh Van leh a sunga sil siem zousie a siem a, ani li ni in, Ni leh Ha asiem hi chi imu uhi. (Gen. 1:16) ni li masang a bang ni a zah a diei? chi koi man agen sih a, Guolnei Mikah in Tanglai a nimasate lai achi khu Lei kisiem masang thu agen na ahi. Jesu Lei a hing pieng ding tung tang thu akilel na asawt dan leh a upat dan agen na ahi. Tualeh Pasion in nasepna dingin Ni apoimaw sih a, Ha zong apoimaw sih chi na zong ahi. Mosi in a gena, Pasion in ni guh sungin silsiem zousie a zou sieng a, mihingte khu ama lim leh mel sun in a siam a chi hi. (Gen. 1:27)

Ni leh Ha pen mihingte hun bichiemte na ding leh Kumte simna dinga Pasion in a siem pieh ahi. Pasion in nasep apatma in Christmas leh silsiemte um dan ding leh a tawp dong Van nei leh Vantawp tan leh tangton dongin a thei suoh kei ta hi. Tuachin Pasion in mihing te kungah Huon lai a singga khu na neh lou ding na neh leh naneh ni ni in nasi ding hi a chi hi. (Gen. 2:27) Tam thupieh khu mihingte a dinga Gitlouna solna leh melma pa douna dinga vanzah poimaw leh kivenna gal van dinga apieh ahi. Hinanleh mihing te'n azang thei tasih ua,

Gospel Tangkou December 2019

sing ga khu ane ta uhi. Tuachin asi ta uhi. Sawlkawi Paul in Hinna dinga thupieh khu Sina dinga hing hi jaw ta! achi hi. (Rom 7:10)

Tambang a thu leh la ahing kikhule tah zieh in, mihing tapa Jesu Khu Leitunga ahing kum a athupieh ahing tha lup akulta hi. Singkung khat tunga neh ding leh nehluo ding thu kikokal tah hing pot doh mai khu cross, sing kikokal tung mama a khetbeh a thalup ding ahi. Hinna dinga thupieh khu sina a suohta ziehin, ama athupe Pa asi angaita hi. Thupepa asi leh a thupieh zong si, a thupieh a si leh thupieh zieh a si na tuohte hingkia ding. Misi thu khu mihing in a phel sih leh mi si leh mi si kiphel thei lou hi. Mihing ten singga aneh ua asi ni un, sina thuphelna ding in Pasian in Gul kung ah tam bangan a gen ngal hi. Nang leh numei kang kidousah dinga, numei suon in na lu atoguoing ding hi. (Gen. 3:15) achi hi. Tamkhu misite hinkiana dinga Gul tunga Pasian in phuba alahna ahi. Atangtung sah dingin mi hing tapa, leitung ah ahing pei a, numei sungah ahing pieng hi. (Mt. 2:2) ei hon Christmas ichi uhi. (December 25)

Khum in John in Jesu amalam juon a hing pei amu a, anua juite kungah en un Pasian Belamnou, Vannei khelna pomang Pa achi hi. (John 1:29) Mangpa Jesun bang lunggel napi khat amotpi a leitunga hing pei a diei? chi mi ten a theisih ua, athei thei na ding un Jesun ama khan tan thusim khu, tomkimtah in ahing genta hi. Vangam khu loulai a Gou phumguh tobang ahi, tuakhu mi khatin a mu a, aphuol sel a, akipah ziehin lungdamtah in apei a, a nei zousie a zua a tua Lou khu alei tahi. (Mt. 13:44) tamkhu Mangpa Jesu'n ama tanchin leh asep ding dan tangthu khat banga ahing gendoh ahi.

GOU PHUMGUH

Loulai a Gou phumguh achi khu alou khu mihing tahsa pumpi ahi, a lai a gou phumguh khu a sunga Hinna Hagau (Pasian Hu) khu ahi. Khum in mihingte khu Pasian ang sunga patin amagta uhi. Mang chi umdan pen a upna ah um nawnlou chi na ahi, akisui maw a, mi khat in amu a chi a, a man a mu a genna ahi, aphuol sel a achikia pen, mihingte khu a piengnai sih a, Hinanleh sina atuoh ding ua sina apat a tatdoh

Gospel Tangkou December 2019

ding danthu guh aum sa kipuong doh lou selguh, phumguh a um agenna ahi. Kipahtah in apei a, anei zousie a zua a achi, A Mangtouna leh A Manglukhu anei zousie Vangam hausatna zou sie hing nua sie in (Zua khie in) simlei ah ahing kum a, tualou (Mihingte) khu aleita! atan ta!! chithu a gen ahi.

Lei kisiemma a thuguh ana um thei phahlou Pasian Messia Tu in Bethlehem khuo Bawng in sungah mihing bangin Numei sungah ahing piengta hi. Bawnginn khu Baangbei inn ahia, ut na lamlam a lut thei ahi. Belam pute leh mipilte zong a ut nalam lam uh leh angkatna lam lam ua patin alut uhi. Jesu Judate Kumpipa chin a bie uhi. Mi koi in zong a upna uleh angkatna lam chiet ua patin Jesu kungah alut thei uhi. Zu mun sa mun a pat in, gitlou satlou na mun apat in, zuou leh nal na mun apat in, thangsiet engsiet na mun apat in michin a upna mun chiet ua pat in Jesu kungah alut thei uhi, Free open, daltu umlou baangbei ahi.

Anu Mari in gan ann piehna kuong sungah alumsah! Gan annkuong khu misi kuong banga

kisui ahi, mi si kuong leh gan annkuong kibang, kisun, ahi. Mangpa Jesu khu misite sui a hundam ding a hing pei ahi, ami suite upna khu Leng leh lalte in ahisih a, haankuong sunga um uh ahi. Tuaziehin Haan kuong banga kibawl Gan annkuong sung ah ahing lum a, ami suite upna mun ngei ah ahing bulpat ngal ahi. Misi Haankuong a lumsa thoukia ngailou, hing leh thou kia ngal ding ahi dan etsahna lim lahna ahing bawl pai ahi.

Tu in nang hing Hundampa hing pieng a dawn dingin Bethlehem lam nga in na lungkot hong in, Jesu lam tuoh dingin kuon maitan kisiana ding bangma um lou hi. En in Pasian belamnou Vannei khelhna pomang Pa nang lam juon in ahing pei hi. Thouin len va dongtan, kimupi sih lechin nanga dingin bang abawl ta diei? Mikhiel tellou a lungkim theilou pan nang ahing sui hi, Jesu na tuoh sih leh Setan na tuoh dinga, Setan deilam na bawlta ding hi, lungkhamtah a kana Meidil khu! Jesu mu loute tanvou ahi.

~~~oio~~~

## **Jesu Pienhun lai a Naupang thatpa Kumpi Herod**

~ Pastor Khup Do Khen  
Bengaluru

Khum hunlai in Israel gam leh akimvel a gamteng jousie khu Palestine chi a minvaw in ana um hi. Tami hunlai in, leitung pumpi khu Kumpi khat in Sepai thahatna toh avaihawm khum ahi a, tami kumpi vaihawmpa min khu Kumpi Kaisar, Rome kumpipa ahi hi.

Tamna igen utpen Herod khu, Simleivai a gitloupil mama leh bawldan siem ahi jiehin, tami Palestine gam huop sunga Kumpi hina, vaihawm-thuneina anei theina dingin Rome Kumpi Kaisar kungah ava ngen a, khuttoi manpha mama jong atoi hidan a gen in a um hi. Anget dungzui in piehin a na um ngal hi. A thuneina ajang siem ma ma hi. Tambanga kumpi hina dinmun lientah toi a aup lai tah in, Pasian Jawlneite thugenlawh, Judate kumpipa ding khat hing pieng ding chi thuthang, aki huaise gen mama jiehin a lung nop maw ma ma hi. A lung sim atawl dam thei mong mong sih a, tambang in ngaituona ahing nei hi. “Kei tami agamnei Juda te leh akim le pam agam jousie tunga Kumpi apang dinga Rome Kumpi Kaisar in ahing guon ahi a, bangchi dan in tami mun

mama ah Judaten Kumpi dang khat anei thei valong ding uh adiei ?” chi in alung himaw ma ma hi. Tambanga lungsim tawldam theilou leh Judate kiphin jing jieha jauthongna chituom tuom toh a aup lai tah in, Nisuona gam lam apatsa’n Mipilte, theikhol loupin ahing tung gui ua, “Judate Kumpipa ahing pieng ta chi thu ka za ua, heisung mun ahiei mah, ave dinga hing kuan hi ung e, Suolam akipat Ahsi ka mu ua”, chia thakhat thu a Herod kunga tambang thu ahing tut gui moh uh pen Herod adingin puahsiam guol ahi sih hi. A lungthah mama a, hinanleh alungthahna amai ah aki langh sah sih hi. Tuachiin Herod in mipilte a dap hat a, Aahsi kilat hun kichien taha akan khiet nua in, naupang kum ni nuailam thading thu ahing bikhieh thei pan giap hi (**Mathiu**

**2:7).** Geldohthei khat khu, Mipilte'n Aahsi amu ua kipat kumpi Herod inn ahing tun hun tan uah kum ni ana ching hita dan ahi hi. Tuachin, Herod in Siempulien te lehLaigel mite ahan khawm a, athu gen uh dungzui in, mipilte khu Bethlehem lam ah asawl khie ta hi.

Tuachin, mipil te khu Bethlehem lam juan in ahing pei ta uhi(Mt.2:8). Mipilte khu, ahing kipatdoh ni ua kipat Jesu umna mun ahing tun hun tan un, Jesu pen naungeh ana hinon sih a, vahthei, hamthei, kimawlthei ana hita hi. Belampu te'n Jesu ava ve lai un, Mari leh Joseph toh gan ann piehna kuanga naungeh lum ava mu ta uhi (**Luk 2:15-16**) chiin I Laisiengthou in agiel hi. Belampu ten Jesu ava ve lai un Jesu khu naungeh gan ann piehna kuang a kisial ahi a, Mipil te'n ava ve lai un, gan ann piehna mun hinon lou in Inn sung ah anu Mari toh om chi ahing hizaw ta hi. (**Mathiu 2:11** ana sim tei tei in).Tambang ahi jiehin, tulai thugen khenkhatten Mipilte vena leh Belamchingte vena amun leh ahun kibang dan a suut kha pol aum jela, tua khu adih lou ahi hi. Tuaban ah Mipil thumte chia gen pol jong a um kha jel a, Laisiangthou in Mipilte

khu thum ahi uh achina jong um lou ahi.

Tu in Kumpi Herod tungtang neu khat gen vai. Arabia gam a hing kipan, Idumea mi Antipater tapa ahi. Tami Antipater kichi pa khu mi chalak, zonpil mama leh ama angung ding mai mai khual mihing khat ahi hi. Mi maivil,mai et leh hi hothot siam ahi. Zi li anei a, aminte uh gen vai.

Azi masa MARIAMNE, Asmonian mi ahi. Tapa khat anei a amin khu Aristobulus ahi hi. Tami Aristobulus in tapa khat anei a, amin khu Herod Agrippa I akichi hi (Nasepte 25:13).

Azi nina khu MARIAMNE ma akichi veve a, Judate Siempulian Simon tanu ahi. Aman tapa khat anei a, amin khu Herod Philip I aki chi hi(Mt.14:3).

Azi thumna khu MALTHACE aki chi a, aman tapa ni anei hi. Herod Antipas(Lk.3:1,19;9:7) leh Archelaus(Mt.2:22) ahi uhi.

Azi lina khu CLOPATRA, Jerusalem khomi ahi. Aman tapa khat anei a, amin khu Herod Philip II ahi(Mt. 16:13;Lk.3:1).

Kumpi Herod khu, Jesu pienkum mama, Jerusalem leh akimvel a um khuate a naupang



kum ni nuailam jousie atha jou in ashi pai ta hi. Jesu khu anu leh apaten Aigupta gam lam a taimangpi kal un, Herod khu ashi ta chi thu zah in ahing um a, tuachin, Joseph kungah Israel gam lam a kile kia dingin vansawlsieng in amangin atheisahna ava bawl ta hi(**Mathiu 2:19-20**). Kumpi Herod ashi nua in Kumpi Kaisar in tam Israel lenggam khu Herod tapa thum te kungah ahawm sah ta hi.

**Herod Arkelaus** khu Judia, Samaria leh Idumea gamteng tunga thuneina pieh in a um hi. **Herod Philip** khu Galilee gam Simtunglam jousie leh Jordan luigal NiSuanalam gamteng tunga thuneina pieh ina um hi. **Herod Antipas** khu Galilee gam huop lientah leh Perea gam teng tunga thuneina pieh in a um hi. Tuachiin tami Unau te gam kihawmsahna jousie tunga Sepai thahatna leh Thathei-Mattheina thuneina nei ding in **Pilate** khu guon in aum hi. Mangkang ham in gen lei **Military Governor over all the Palestinian land** chi dan ahi hi.

Hun sotlou avai hawm nua un, Herod Arkelaus in azi akhul a, anu sanggamnu tapa zi melhoi ma ma Glaphyra khu alah pieh

a, aki teenpi ta hi. Tami thupen agamnei Judaten ajada ma ma ua, kiphinna huoi setah ahing nei ua, asousang ma ma hi. Tuachiin, tami kiphinna huoi setah Jesusalem khopi a umpen suhdai leh sipsah a aup theina dingin Arkelaus in sepai thahatna jangin Judate 3000 (sangthum) khatvei thu in ahing that tahi hi.

Tabanga tha a umkhate atamjaw khu mawna neilou Gamsiengthou en a hing khualjin gamtuom mite ahi hi. Tambanga Arkelaus in Judia gam Jerusalem a mi atha lai tah ahi jiehin Joseph(Jesu Pa) khu azau ma ma a, Judia gam lam a kinuale ngam non lou in Galilee gam lang a Nazareth khua khat ah apeita hi(**Mathiu2:22-23**) Tami Arkelaus gamtat kheng valnate jousie Judaten Rome khopi a thunei lienpen Kumpi Kaisar kunga ava heh/report tahzieh un, amapa khu Gaul kichi gam ah shidinga sawl khieh in aum ta hi.

Tualeh **Herod Philip** thuneina gamsung teng ah khun, Judami kichite atam seng kholsih ua, Greek ham ngen kijah na mun jong ahi deu hi. Kumpi Kaisar min leh ama min pua in khopi khat abawlkhie a

amin khu Karsaia-Philippi akichi hi. Ama khu AD 34 vel in ashi ta hi. Tami mun khu ahi Jesu'n anuazuite kunga kei koi ka hiei chia adohna mun ngei khu (**Mathiu 16:13**)

Aban ah Herod Antipas in, ama thuneina dinga akipiehna gam sungah khopi khat abawl khie a, amin khu Tiberias aki chi hi. Tamipa pen mi pilkhel mi huaise mama ahi banah ama angsung ding chauh khual mi ahi. A chalak seng jiehin Jesu mama in jong **Si-al** (fox) achi ahi (**Luk 13:32 ana sim le chin**) Rome khopi a haw dinga apeilai in, anu naunu tapa Herod Philip chi min nei veve pa Inn ah ava zintunga, nibangjat aheipi khat ava tam hi. Tami hun sungin, A U-pa Arkelaus ma bangin, tami Herod Philip zi melhoimama toh ahing kingaizawng mama ta uhi. Tuachin, ama zi pen akhuul ta a, tami Herod Philip zi Herodias toh ahing kiteng moh ta uhi. Tam thu pen Baptispa Johan in, azada mama a, nasanggampa zi na lahsah adih sih hi achi hi. Tuachin, Herodias in lungsim hing guhbawl in Baptispa Johan shi theina ding ahing lemgel tahi. Tuachin, atanu Birthday a hingtunga, atanu ahing lam leh apa lungkim seng seng in bang ka hing pe diei, na dei dei ngen

in achi hi. Tami hun lai tahin Herodias in atanu kungah, Baptispa Johan lutang ka dei hi chiin na pa kungah ngen in achi a, tua chiin Baptispa Johan lutang lahna dingin angawng akitan law tahi (**Mak 6:14-29 na mun nana sim tei tei in**). Tambanga Baptispa Johan ngawng atanpieh ziehin Antipas khu alung nop thei non sih a, kisanla na lungsim leh kisia na lungtang puohgih toh ahinkhua ajang tou den hi. Jesu mama jong, Baptispa Johan hing thoukia hidan in angaih tua a azau ma ma, amelma et den moh hi (**Mathiu 14:1-2 ana sim in**) Tuabanah Tami Herod Antipas in Jesu khu asimmaw tahin a eng bawl hi. (**Luk 23:4-12**). Tami Herod Antipas khu Kumpi Kaisar in thuneina zousie alah sah sieng a, Aristobulus tapa Herod **Agrippa I** kichipa kungah ape tahi.

Tami **Herod Agrippa I** kichipa khu Jerusalem leh akima khuatea naupang thatpa Herod tupa ahi. Agilou mama a, simleivai ah apil mama a, hattuomte bawlgentheipa jong ahi hi. Tampa gitloudan leh atungtang thu kichientah a na theina dingin Laisiengthou (**Nasepte 12:1-24**) na sim tei tei

in. Kumpi Kaisar shi nua a Rom Kumpi a hing pang Claudius in tam Herod Agrippa I khu Arkelaus thuneina gam Judia gam, Samaria gam leh Antipas thuneina gam Galilee leh Peria gam sungteng a thunei dingin aguat a, Kumpi hina Zaa (dinmun) jong apieh be nalai hi. A pu Herod the Great thunei na gamteng jousia, ama thuneina nuoi ah a om ta hi. Aki thunei

sah ma ma a, Jesu nuazui Jacob a that hilhel a, Peter jong thong inn sung ah, khovah masanga thalup ding in akhum hi (**Nasepte 12:1-19**). A kiliensah seng seng a, thupina Pasion apieh tahlou jiehin, Pasion ama khu atah ta hi (**Nasepte 12:21-23**). Laisiangthou Nasepte bung 25 leh 26 sunga Sawltah Paul nasetah a bawlgentheipa khu Herod **Agrippa I** ahi kia hi.

---

## *Suolam Mipilten* **JESU AVEHNA**

*~ Pastor M. Thangboi Zou*

**Text:** “Judate leengpa hing pienna heisung ahiei? Suolam ah aasi ka mu ua, Ama be dinga hing pei ka hi uhi” achi uhi.  
(*Mathiu 2: 2*).

**Thumapui:** Amasan Kum khat hing puitung Mangpa Pasion min ka phat a, tualeh tam ahawmtho huoi Gopel Tangkou simtu zousie a hing pieng ding igaldawt zing uh Mangpa Jesu Khrist min ngainou toh ka jahna chibai ka hing buh hi. Tunin Suolam mipilten Mangpa Jesu avehna thu uleh, ahing kipatna uh, apien ding atheidan uh, sillamdang atuote uh, Jesu chibai abuh dan uh, mopuohna angaisah mi ahi dan uh, a bwlkhelmate uh bawlhoidia

panlatute ahidan uh chite sutkhawm din ka hing kisah hi. Buchinlou nagam a leng nalai ihiman un, achingla leh avalseng aup leh Pasion leh simtu zousie na ngaisiemna uh ka hing ngen hi.

### **1. Suolam mipilte tanchin tomkim en masa vai:**

Tamna Suolam mipil thumte tanchin ahileh getdan tuomtuom in a gen ua, mun tuomtuom apan hing kipan chiet hi chin Laisiangthou siemte leh Tangmi suttan (Historian) amu khie uhi.

Amaute khu Leeng hichiet ahi ua, amin uleh ahing kipatna uh, tualeh a silpiehte uh ahileh, tam anuoi a bang ahi hi.

a) **Balthasar (Jepethson):** Ama khu Igupta mi Damasca Leengpa ahi. A khente gendan in Ethopia mi achi uhi. Ama khu kum 40 velmi ahia, a tahsa tung adup chetchut a, a khamul sau ahi. Aman “Murra” apieh hi. Tam Murra in, “Mangpa Jesu thuona ding leh a shi ding dan” a ensah hi, aki chi hi.

b) **Caspar (Hamson):** Ama khu Grik mi ahia, mi khenkhat te'n Arabia leengpa ahi chi'n zong agen uhi. A khente Tursur mi chin zong agen uhi. Ama khu kum 20 velmi ahia, a tahsa khu misang, khamul neilou, mi damtheita, san hiuhiau khangdong melhoitah ahi, aki chi hi. Aman “Ngun/ Sana” apieh hi. Tamin “Mangpa Jesu Khrist khu Leeng (King) ahina” a ensah hi, aki chi hi.

c) **Melchoir/ Melkheuda (Shemson):** Ama khu Hindu mi Ethopia ahi. A khenten Nubia leh Arabia gam a Vaihawmpa (Leeng) ahi, achi uhi. Ama khu mineu, khamul sau tualeh kipawlkhawmna (society) a ja umtah mi ahi, achi uhi. Aman “Bego/ Chim” apieh hi. Tamin

“Siempu lien (Pasian) ahina” a ensah hi, aki chi hi.

**Magi:** Tami thuteng “Magi” kichi khu “August” chin zong akithehi hi. Tami khu Media mite leh Persia miten amau hatlai a Biehna a nasem mite min ana hisah uh ahi. Amaute khu “Thuguh kem, mipil leh Pasian nasem ahi ua, khuleh theina giltah anei” uhi. Tua khu Aasi siemte (astronomer) zong akichi hi.

Khovel a mipilte sutdan in BC 7 in aasi lien thum (3 Planet) ahing lengkhawm ua, mipilten amu uh Aasi tam hi dingin angaisut uhi. Nanleh tampen sil hitheilou ahi, aziehpén i Lai-siengthou in ahinghil dan in Aasi khu naungeh (Mangpa Jesu) umna tunga a khawlta hi (Mt. 2:9). Aasi ngeinate vang tua bangin khawl ngailou ahi., tuami ziehin Bathlehem aasi pen lamdang Mangpa Jesu pein hun phuonkhietna ding leh Suolam mipilte Jesu Khrist kunga puidia Pasian silguon ahi, chilou theiding koima aum sih hi. Suolam mipil thumte khu leitung pumpi a i Mangpa Jesu Khrist pien kipuon na dinga Pasian in amaute azat ahi. Suolam mipil thumte khu in a Lugu (skull) khu Cologne

Biehinn ah aum nalai hi, akichi hi. Tualeh mipilte suidan in amaute khu Gentelte ahi uhi, achi uhi.

### **2. Mipilten I Mangpa Jesu pien ding atheidan uh:**

Amauten i Mangpa Jesu Khrist hing pien dingdan atheidan uh ahileh, Guolneite genloh napan athei uhi, chin akigen hi. Juda Gulneite gandan in, hun khat chiengin Lamkai ding Aasi khat hing vah doh dinga, tuamin mite a khelna ua pan ahunkhe dinga, zalenna ape ding chi agingtat na zal un kum tampi tam aasi khu ana enzing (galdot zing) uhi. Amaute ana ngazing uleh a suizing uh tam Aasi khu amuate mudin ahing umdoh tahin, tua aasi nung khu ahingzui leh, Bathlehem Bongiin sunga nausen Mangpa Jesu Khrist khu ava mudoh ta uhi. Tuachin chibai abuh un, silpieh apieh chiet tah uhi.

### **3. Mipilten sillamding atuate uh:**

Tangmi a i thei bangun Suolam mipil thumte khu Babylon apan tam Aasi ahingzui pan uh ahi, chin agen uhi. I Mangpa Jesu pienthu azah tah un, a umpna ua pansan hei sunga pieng ding ahiei chin asuidia hingkuon lai un, i Mangpa Jesu Khrist chibai abuh masang ua,

sillamding a tuoh kha uhi, tua sillamding atuokhate uh ahileh:-

a) A hing kipat ua pan atunkia tan un (Jesu Khrist chibai abuh tan un) lam kal ah a Ann neding ua apuote ukhu khat zong akiem sih hi, chi athei khie uhi.

b) Aasi in amaute Bethlehem a apui laiin amansuo tamaw uhi. Bethlehem zuon a apei lai un azui uh aasi in Jerusalem khopi lam ah apui tamaw hi. Amaute geldan in Jerusalem khu Leeng pienna mun hingeidin angaisut ta uhi. Jerusalem a aluttah un, khopi sunga um miten mipilte amutah un lamding asa chiet uhi. Tuachia kidang asaguoh uh hilou in, mipilte thugen in alungtang uh asubuoi deudeu nalai uhi. Mipilten sil umdan amute uleh azate uh lamding sa sengseng un, mipilte khu Leeng Herod innpi sungah apuilut ta uhi. Tuachin mipilten Leengpa Herod leh mipite masangah tambang thu ahinggen kia nalai uhi, “Judate leengpa hing pienna heisung ahiei? Suolam ah aasi ka mu ua, Ama be dinga hing pei ka hi uhi” achi uhi. (Mathiu 2: 2). Tam thu Leeng Herod leh mipiten azatah un Herod innpi sung khu lungdonnan adimta hi. Tam thu Leeng Herod in aza tahin, a gamsung a Guolneite kaikhawm in sil umdan adongta

hi. Guolneiten zong Judate Leengpa khu Bethlehem a hing pieng ding ahidan ahilta un, Leeng Herod in thangsietna ahing neita hi. Aziehpén ama thakhel ding Leengdang khat hing pieng ding ahiman in, tuachin Leeng Herod in mipilte kungah “Vasui chien unlen, amun na thei chien chiengun, kei zong hinghil un, ken zong chibai ka buh thei nadin” chin angenta hi (atha nuom man in). Tuachin mipilte Jerusalem nusie in ahingpot ta ua, lamkim ah lui dung khat amu ua, tuanah tui dawn dinga akumsuh uleh (a sangngonsaute uh zong tui dawn dia apui uh) azui uh Aasi khu ahing mukieta uhi. Gendan dang khat ah, “Mipilten Jerusalem anusiet jou tahun aasi amukie uh ahi” chipol zong aum hi.

c) Mipilte ziehin Siemputen zong leitung mite khelna ngaidam ding Mangpa Jesu Khrsit khu Bethlehem a hing pieng ahidan akitheisah ta uhi.

#### **4. Mipilten I Mangpa Jesu chibai ava bawldan uh:**

Mipilten azui uh Aasi ahing mu tah un akipah mama ua, tuachin azui uh aasi in, asuipa uh Nazareth Jesu Khrist puonnem a kituom Gan annkuong sunga kisiel khu ava muta uhi. Tuachin amauten silpieh

khatchiet pieh in akinuoleh kiata uhi.

Laisiengthou siemte suidan in mipil thumte in i Mangpa Jesu Khrist pien zou a chibai ava buh ni ukhu 6th January hidin agingta uhi. Mipilten i Mangpa Jesu Khrist chibai ava buh laiun, i Mangpa Jesu Khrist khu Hapta Kalni (2 weeks) hipan nalai din agingta uhi. Laisenghou siemkhan khatte mukhietdan ahikie leh, i Mangpa Jesu Khrist Kum 2 (after 2 years) a chinjou a mipilten Egypt gam a chibai ava buh uh, chia gingta zong um kia nalai hi.

#### **5. Mipilte khu a mopuohna uh ngaikho mite ahidan uh:**

Tahsa sillam hiin, Hagau lam a sil hita zong leh, mi koi zong a mopuohna ngaisah/ gelkho a zou mi khu mi lawching leh guolzawlana tang ding uhi. Tuama bangin mipil thumte zong khu a mopuohna uh ngaisah/ gelkho mi ahi zieh uleh, ahapan na ziehun, amaute toh mun kigamla aum i Mangpa Jesu Khrist chibai avabawl un silpieh zong apechiet uhi. Mopuohna zoute ahiman un tuni chieng dongin, i Mangpa Jesu Khrist pienthu akigen na tengah mipil thumte tanchin zong akigentha zing hi. Amauten apilman uleh siemman ua i Mangpa Jesu

Khrist ava suikhiet uh hilou in, a mopuohna uh ngaisah/ gelkho na zieh ua chibai ava buh uh ahizaw hi, chin Laisiengthou siemten agen uhi.

**6. Bawl khelnate, bawlhoi dia panlate ahidan uh:**

Azui uh aasi amansuo tachiengun Jerusalem khopi ah avalutta uhi, tuanah khotheilou a hamuongtah a um leeng Herod ava phongkhie ta uhi. Leeng Herod in ama thakhel a leengtha pieng dingpa (Jesu Khrist) tha ahingsawm a, mipilte kungah, “Vasui chien unlen, amun na thei chien chiengun, kei zong hinghil un, ken zong chibai ka buh thei nadin” chia agenpen, i Mangpa Jesu Khrist amu tahun leeng Herod vahil kie lou dingin Mangpa Vansawlsieng in mipilte lampi tuom a peidin thu apieh hi. Mi koizong Jesu Khrist a Hina tha (New Life) ahing nei chiengun, a lampi luite uh zuikia nonlou in, lampi tha azuita uhi, chi tamnah chiengtah in mipil thumte akipan zilkhiet thei leh mukhiet theidin ahing um hi.

Mipil ngen hi ua, bang zieh a azui uh Aasi amnsuoh thei uh adiei?

Tami thu a nabuoi leh, mawltah in ngaisun khawm vai awleh, “Judate Kumpi hing pieng a chibai bawldia hingkuon

ahiman un, Bethlehem khota mun ngiempen a vapei pen lunglut huoilou, thamlou in Kumpi pienna mundia mun ngiem gingta lou uhi.” Betlehem pen khota neunou ahia, Judate kumpipa hing pienna dia mun din nau asah ua, Bethlehem atun na ding uh 6 Klm akivat tah in, khovel mi ngaisutna toh ahing gelkha ta chiengun Jerusalem khopi valut kha uh ahizaw bou hi.

Tamna pan zilkhiet thei khat ahileh, mipil in misiem hiin, mihau hita zong leh Pasien deidan banga peilou a, eima pilna, siemna, hausatna suonga ahing siempa Pasian nua izui som leh tamna mipil thumte bangin kilam vai thei ahia, thamlou in leeng Herod vaphong khie un, Juda gam leh akimvel ah pasal naupang kum 2 nuoilam mi 200 valten shina atuoh bangun, nang zong Pasian nna ansepna ah, nasep khawmpite na gensiet a, na huotbawl leh na upna pawl (society) sungah buoina, kikhenna leh damsung a midang toh kithei siemlouna na tun thei hi, chi ahing zilkhe sah hi.

**Akhupsitna:** Unau, tamna Suolam mipil thumten abul tung in Mangpa kipahna din kal ahing suon ua, lamkim ah amau

## *Gospel Tangkou December 2019*

hitheina suonga kal hingsuon kia uleh midangte dia buoina leh shina atun uhi. Ahin a tawpna lam a abawl khelna ua kipan kisie a pan ahingla kia uleh Mangpa Jesu Khrist vamu in, chibai ava buh ban uah silpia zong ape thei uhi. Tunin nang zong, nan hinkhuo bullam teng Hagau mi, thummi chie miten ahing patat leh, tua patatnate na hing kiletsahpi a nang kithupi sah chiengin, na upna pawl (society) sunga buoina, kitheisemlouna na tun ding a, ahinlah mipil thumte banga na bawl khelnate kisie a pan na hingla tha a Mangpa Jesu kipahna dia na hun nei teng na hingzat kia thei leh, nang zalin buoina, kisietna

umte Mangpa thahatna toh na siempna, zunpha kia zou ding hi.

Khristian hinkhuo a athupi pen khu, “bawl khelna apat kisiemphat kia theina khu Pasian kipahna ahi hi” ahi chi thei chiet vai. Pasian in ahingpia pilna, siemna, hausatna suonna in ahingpa Pa Pasian thangpai sahna atun a, tuami’n Mang gam nna isepite adin zong buoina lienpi tun ahidan thei siem a, Mangpa Pasian in ahingpie pilna, siemna leh hausatnate ahingpe Pa Pasian kipahna a zang theichiet din, tamna Suolam Mipilte tanchin simkha zousie Mangpa Pasian in thupha hingpe chiet taken, chi ka thumna ahi hi.

### **HUNDAMNA CAMP**

Pasian lemguot kinem in ahing tung ding **Date 20th-23th Dec., 2019** sung teng kou **N. Leitan MELC** ten “**HUNDAMNA CAMP**” nei ka sawm ua, **Speaker in Evan. Lunminthang Simte** hi ding ahi. Tualeh tami Camp sungah Pastor M. Thangboi Zou, Biel Pastor khu Camp Director leh Speakerpa bangkim ah akithuopi ding hi.

Lawchingtah a kazat theina dingun, Hattuom miten na thumna uah hingna thei chiet din Pasian min in ka hing ngen hi.

~ **Upa Lianzakhai**  
**Chairman, Camp Committee**



## **Manipur Evangelical Lutheran Church 28th Mission Khawmpi Report**

**Rev. Thangliankham**

*Director of Missions, MELC*

Amasa in MELC Missions Kumsim Khawmpi Zomi-Colony ah um khu buoina umlou kei a hing zousah Pasian min phatin umta hen.

Tualeh tukum khawmpi pen kumdang bang a kimang lou in Pasian mapuina leh i sie leh pha theina tungtawn a kimang ahi na ah Pasian hagau pawlna toh lawchingtah a manzou ahita hi. Halleluiah Mangpa min phatin umta hen.

Tutung Missions Khawmpi Pasian thu leh laa ah kipawlkhawmna leh Vaihawmnate ginna lam a mi piching theina leh kilahdohna banga ngaithei in a um a, Pasian hagau in i hattuom hing taisan lou ah hing veh jing ahidan mi tampite mudan ahiman in, hitan chieng hing tun i Pasian min i phat sawnsawn hi.

Adiehin Mission field a patsa hattuom misiangthoute mi bangzat ahei khatten ahing joupi ua ,Chairel leh Tentha lam apat, tualeh Tripura Mission Field ten imu ngailou, i zah ngailou phatna leh cultural program leh drama te lunglut tahin ahing bawl ua kitai mama hi.

Tuabana Speaker ah ichiel uh Rev. Christopher Vijayan, Gen. Secy, NMSI in Pasian thutah hagau annkuong ngainop leh lunglut huoitah agen a i, taipi mama uhi. Pasianni suun kihkhop in Rev. Kamminthang Taitom, DS ,Singngat Division in Missionary Challenges nei a Pasian min a mi phattuom ngai hagau mangthai lainatna neite apat Rs.4,30,000/- leh nii leh puon, kengdap leh adangdang tamtah kimu khie ah, Tv. Jangkholen Mate L.Zoujang hattuom zong Missionary ah kuonkhe ding in kipe khie hi. Halleluiah Mangpa phatin umta hen.

Khumte bana unau Tripurate khu Khawmpi jou in Simveng, Hqtr Church, Zomi-Colony, Tuibuong Central Church leh Bethel Chapel Hiangzou Biehinn te ah Seppatni apat Nilaini nitah tan a kikhawm in a peile ua tuana

## *Gospel Tangkou December 2019*

Upa Chinzahao, Chairman Missiona Detpt in apui lele hi. utna lungsim nei in dt, 2/3/2019 (Seppatni) in a tenna innlam chiet uh juon in aki lekia ta uhi.

Tutung i Missions khawm-pi ah Thugente in mipite tha thousah mama, khawmpi manga hingpei mipite khu hagau leh thutah ah halthahna leh Missionary nasep a poimawdan phawkom in Nasepte, 2:42-47, na in nuajui masate umdan ana gen bangin Kipah tah a Pasian nasep na leh Missionary nasep

Tam tan chienga Mission Khawmpi lawching taha hing mang zousah Pasian Min phatin umta hen. Tualeh tambang khawmpi lawchin na tungtawn in MELC hattuom chin ah Pasian hagau in halthahna hing guon in hing mapui zing taken.

~~~oio~~~

THEISAHKIANA

MELC in thu kizahna inei sun sun uh **GOSPEL TANGKOU**, Editorial Board deina bangin MELC sunga local teng Patron member a pang ding chi ahiman in Local Church bang zat e khat in Patron Member fee Rs. 1500/- (Rupees One thousand and five hundred) only ape zouta hi. Hinanleh Local Church bangzat e khat te lemtang nailou ahiman un Patron Member fee ape thei nai sih hi. Ahi theileh tam anei a Local Church hing kitahlang te'n Patron member fee MELC Office ah hing pe ding in Pasian min in ikingen in ikitheisah sawnsawn uhi.

GOSPEL TANGKOU Rs. 1500/- Church a pe nailoute

- | | |
|---|----------------------|
| 1. Central Church MELC | 2. Ngulzenveng MELC |
| 3. Tuaitengphai MELC | 4. Sehken MELC |
| 5. Mata Mualtam MELC | 6. Kullian MELC |
| 7. Tuining MELC | 8. T. Vajang MELC |
| 9. Sugnu MELC | 10. Zoubethel MELC |
| 11. D. Janguom MELC | 12. Saite MELC |
| 13. N. Leitan MELC | 14. Leijangphai MELC |
| 15. Tonjang MELC | 16. Suongphu MELC |
| 17. Janguom MELC | 18. L. Zoujang MELC |
| 19. Singheu (Paid Rs. 120/- Due-Rs. 1380) | |

*** Tam atung a kho min tuang loute apesa ahita uhi.

H. Khaikhogin, Circular Manager

“Mangpa muong mi leh a kinepna uh Mangpa hi mi khu ahampa hi”

(Jeremiah 17: 7)

~ Pastornu Lunsuanchiin

Amasa in tam Laisiengthou pansan a kikum khawm thei ding a hinna-damna leh hunhoi hingpie ibieh Pasion minphat in um masa hen.

Lei, Van leh asung a sil um zousie siemtu khat a um hi. Khantanhoi John 1:1.na in “A chil in Thu a um a Thu khu Pasion ahi” a chihi. ‘Thu’ chipen in gen anei khopmai hi.Lei, Van leh a sunga sil um zousie kisiem theina khu Thu ahi.Thu nasep hi aloupi mama mai.. Leitung vai ah en jual lei, - Sapte thupil khat in “Thupen naamsau hiem sang in a hiem zaw hi” achi hi. Tualeh, Laisiengthou sungah Heb.4:12.-“Pasion THU ahinga, sil abawl thei a,namsau a langni a tattuo hiem sang in ahiem jaw a, gu kituona leh chintuigu khenthehi khop in asun thei hi” achi hi. Tua ahileh eiten itahsan ua, ibieh pen uh koi e? Leitung ah pasian tampi mihing ten inei ua, igam leh inam te atuom dungjui in pasian tuomtuom bie zong a um hi. Tuate lah ah tuni a ei bieh Pasion pen bang Pasion e? Chiin kidong talei, Amapen Lei kisiemchil apat ana umsa THU a um- Abraham Pasion, Isak Pasion leh Jacob Pasion ahi.

Tuni in, Ama iPasion pen mel a mu a ibie uh ahisih a, A THU gingta a ibieh uh ahi. Lunggel kichientah nei loute leh ginna tawmte dingin tahsan zong hamsa mama ngut ding hi. A hivang in Khantanhoi John in agen zouta hi. A chil in THU a um a THU khu Pasion ahi chipen in agenchien mama hi. (Nungah khat in ama ittu atangvalpa Love Letter THU a hahte tahsang ngai mawhlou taleh amanu pen atangvalpa toh kiteng ngai ngailou ding hi). I Mangpa Jesu zong apien ding in Vansawltah in Jawlneite tungtawn leh Mary leh Joseph kungah THU in a theisah masa hi.

I Pasion pen Thu a hing ahia, Thu khu Pasion ahia, imuon leh iki neipi uh khu A Thu-nasep ahi. Silkhat phot isep sawm chieng un a THU ang um masa a, tuachi’n nasep akipan a, nna ang kistem zou thei hi. A Thu maimai khat mit a mutheilou khat va muon gige mawh chipen tahsan hamsa kha ma dinghi, a

dih hi, mutheite pen ngaidan khat ah, muon zong ahuoi pai a, tahsan zong a um ngal hi.(e.g.) Tuachi'n, khenkhatten Kang-talaite a muong ua, Khenkhat ten ilawm iguol, isanggam-unau mihau, mipil leh mibawl thei ineite imuong uhi, ahin i Laisiengthou in - **Mangpa'n tambang in agen hi: "Mihing muonga, mihing bantha hatna muong a, alungtang a Mangpa kiheisan mi khu hamsiet in um hen" -Jer.17:5.**

Tam Laisiengthou thugen khu sil theisiemna neite'n ngaituo tuoleh, mulkim huoi mama mai hi. Bible in mihing a ding a dih hileh kilawm lampi a um a atawpna khu shina lampi ahi-Pro.14:12.chi khu lung-phong mama khat ahi. Mit a mu (Eye witness)chipen a dih mama khat bang nanleh imit a imu nai lou hing kilang nailou gintaat pen zawh khu athupijaw leh kiletsahpi khawm chingjaw china ahi.

Laisiengthou sung apat thu hing kipie in **"Mangpa muong mi leh akinepna uh Mangpa hi mi khu ahampha hi"** kichita a ! akichi zaw nua a zong muong zou mong mong nailou, lungsim themnei sasa a um chipen vangsiet huoi mama hi. A hamphat huoi thu kigen pen,

atahsang ten akilah ua abawjui uhi,tuachi'n ahamphatpi ding uhi! A tahsang louten a et dingun, amu ding un atan khah lou ding uh! Chipen mi hamphatna a mit in amu ding a, atang khasih ding chi khu Pasion Thu peipi dan ahi. (Samaria kielpi lai a Pasion Jawlnei thugen itheita uhi, "Mu chuhna mu ding a, ne chuh nane khasih ding hi" chi khu).

Tambang ahi chieng in gingu khatin abawl ding a thupieh : Mangpa muong inlen, nakinepna Mangpa hisah in, mi hampna nahi ding hi- "Ama khu tuiluong kunga sing kisuon, luigei a ahuiha bang ahi ding a kholum hun hing tunchieng in a zausih ding a anate ahing ngitngat ding hi. Khokhal kum khoh asasih ding a, gasuo lou in a um sih ding hi" - Jer.17:8.

Tuazieh in ule naute, tam Pasion thuteng te pen misang tampi in agingta ua, tahsa leh hagau guolzawlna deihuoitho huoi tah tah akitanta ua, tuachi mabang in nang leh ken zong theitawp suo in Mangpa muong in imuthei nailou Vangam guoh hilou in tudam sung mama a zong Pasion Thute ahamphatpi chiet dingin simtu zousie kungah deisahna ka hing lan hi. Mangpa'n hing umpita hen.

KISAH THEINA

~ **Rev. Thangliankham**
Director of Missions, MELC

Kisahtheina ichi khu Thomas Adam in tambang in ana gen hi. “Kisah theina in Nebukanezzar Mihingte lah apat a hawlkhie a, Saul in a Leenggam hasuo a, Adam in Paradise a hasuo a, Haman in Leengpa huongsung nopna teng taanlaw a, Lucifer in Vangam hasuo hi”.

Tam khu sillamdang ahisih hi, Augustine kisahtheina khu khelna lienpen ahi ana chi hi. Mi ahing kisah thei chieng in ama leh ama hing ki tawisang in, Pasian a nuoisie a, ama mun ah hing kikoi zel hi. Defoe in - “Kisah theina khu gawtmun President hitheina dinga dinkhietna Khuompi masapen ahi” chiin agen a, Alexander Pope in “ Kisahtheina khu mimawlten a hasuo theilou uh a lungsim ua dim ahi” chiin ana gen a, CS Lewis in “Kisahtheina khu Pasian douna(anti-God) lungsim puona ahi.” achi hi.

Kisahtheina khu sil zauhuoipen ahia, mi chin maitang a suohkhe zel hi. Mi khenkhatte amau mama kipumsah theina, a khen in a lawchinna uh kisahtheipi ua, a khen in a nei alam uh kisah theipina, khenkhat in amite, khenkhat in achipite, a khen in amau leh agam uh kisah theipi in Pasian thupina alahsah zel uhi. Eiten zong iki ngai-

ngiemna bang kisah theipi thei thou ihi chi ithei ding ahi. Mi khenkhat in ahoina zieh a Medal anga a, a aw h nop lou jieh in ki lah sah jel chia hi thei bang a kigen ngai hi.

Kisahtheina zahdan chi nite.

1. Ahoilam a zahdan:

Khumdan a igen chiengin kisah theina khu mani kizatata (kingaisang leh mimal chitahna, muonhuoina toh gengen kibang a zah ahi. Khum bangte khu phat huoi in apoimaw hi (Mat.22:39: Rom. 12:2; I Tim. 4:12).

Eima leh eima kiphat itum sih ding ua, hinanleh keipen bangma lou mai kahi “chia kingai siet zong itum sih ding uhi. Mi ama kingai sang lou mi in midangte zataatna zong nga thei lou zel uhi. Pasian in midangte zataat dan thei dingin ahing dei hi.(Nas.2:47).

2. A selam a zah dan:

Kisah theina aselam a zahdan khu eima a thupipen, alienpen leh a poimaw pen a

kikoi na leh tuabang lam a kizahna zousie a tunkhawm sieng hi. Kisah theitah leh ki liensah tah a umna, eima hina sanga lienzaw a ki koina leh ki otsahna zousie ahi.

Ki sah theina khu mi zousie in a guh a kepep chiet uh, akhabeh uleh a talkal pang uah um a nah kuo tel khalou ahi chi i tha thei ding uh ahi.

II. Kisah theina khu khelna ahi.

Kisah theina khu khelna ahidan Laisiengthou in chiengtah in agen hi. “Mit sang ha leh lungtang kisa thei khu...khelna ahi.(Pau.21:4). Kisahtheina khelna khu Pasion

in a huot pen ahi.(pau.6:16-19; 16:5; 8:13) sim in. Tami umdan khu lungsim hoilou leh lungsim sietna apat suokhie ahia, khumi in mihing susie hi. (Mk.9:21-27) Tami khu khelna ahi, Khrist hing peima sang a Jentelte lah a sietna thupitah tuntu ahi (Rom.1:22) Kisah theina khu ni nukhia lam a hun hasapi pi umсах tu ding khenkhat lah a khat ahi.(II Tim.8:15).

Tuaziehin kisah theina hinkhuo paikhe vai in I Mangpa Jesu bang in kingiemkhieh in Pasion hing sena pen suh tangtum tum chiet va ui.

Mangpa'n a thu guolzawl tahen.

A PILHUOI THUHILNA THUMTE

(Three Wise Teaching)

~ Pastor M. Thangboi Zou

Masang lain mihingte leh Va (bird) leh Gamsa (wild animal) toh ana kihouthei uhi. Tuami hun lai in Mi khat in Va khat man in a Bom (Cage) sungah akhup hi. Tua Va leh amantu mihingpa tam bangin ahing kihou uhi.

Va: Hingha doh mai in, aziehpeneh ding inlah ka tahsa neunou khat ahi a, ka mul lah Vahuong (peacock) mul toh banga hoila hilou, nang hakhiet leh na manghil theilou ding A Pilhoui Thuhilna Thum (Three Wise Teaching) kang getpi ding hi, achi hi.

Mihing pa: A Pilhoui Thuhilna Thum (Three Wise Teaching) te khu hing genpi masat in, tua jou chiengin ka hing ha khe na ding hi, achi hi.

Va: Na hakhiet chieng bou in, ka hing genpi pan ding hi, achi leh Mi pan Va khu a hakhe tahi.

Mihing pa: Nang hakhiet taman in A Pilhoui Thuhilna Thum (Three Wise Teaching) te khu hing genpi ta vang, tuate khu:-

Khatna ah: Sil beisa tungah kisiana nei vawt sin (Do not grieve things that have already happened).

Nina ah: A tangtung lou dingte gelgel sin, tualeh ahi theilou dingte gingta sin (Do not wish for that is unattainable and do not believe in that which cannot be possible).

Thumna ah: Lawchinna ding in thugu bangma aum sih hi (There is no screat for success).

Tamteng khu Va in agen jou in, aha khia mipa khu anuisan hi.

Mihing pa: Bang zieh a nang nuisat ahiei? Achileh

Va: Ka kikhumna sunga akipan bangma lou tahin na hing hadoh tahi. Mihingte khu apilpen a na kigel vang un, a ngolpen na hi uhi. Ka tahsa sungah Atui (egg) chia Suong-mantam (diamond) ka puoh ahi. Hing hakhe sih lechin leitunga mi hausapen leh a lawchingpen na hi ding ahi, achi hi.

Vasa tambang a thu agen jou in, mipa pen akisienan adim tahi. Va khu ana hakhe lou hileng a sunga a Atui chia Suangmantam pen

kei ading ahia chin lunggel nuomlou tah in aum tahi. Tuachia lunggel nuomlou tah a aup lai in Vasa in ahing nuisan kia tahi.

Vasa in anuisat kia leh mihingpa pen akisiena khu akibelap deudeu hi. Tuachin mihing pan Vasa khu matkia a a sunga suongmantam khu lakhiet teitei ding lunggel ahing nei tahi.

Vasa: Na hing hakhiet ziehin na kisie ei? achileh

Mihing pa: Ing, ka kisie mama hi, ching adawng hi.

Vasa: Bangzieh a kisie na hiei? Chia adot leh.....

Mihing pa: Hing hakhe sihleng na sunga Atui chia Suongmantam khu kei a ding hi a, chin adawng hi.

Vasa: Aw hingpa..... nang hakhiet na dinga A Pilhoui Thuhilna Thum (Three Wise Teaching) ka hing genpia khu na manghil hita i? achileh.....

Mihing pa: Ka manghil vawt sih hi, chin adawng hi.

Vasa: Na manghil lou leh bangzia a mat dinga na hing del lele ahia, achi kia leh.....

Mihing pa: Na sunga um Atui chia Suongmantam khu ka dei zieh a ka hing del lele ahi, achi hi.

Vasa: Aw hingpa...A Pilhoui Thuhilna Thum (Three Wise Teaching) ka hing genpite khu geldoh kia ou.....

Khatna ah: Sil beisa tungah kisiena nei vawt sin, Ka ki henna bom (cage) sunga apan na hing hadoh ahita a, kisie vawt sin.....

Nina ah: A tangtung lou dingte gel vawt sin, tualeh ahithgeilou ding silte gingta vawt sin. A hitheilou ding teng na gingta a nang leh nang kisu lunggim giep nahi. Atui kimkhat chiabou kahi (I muself am only haly the size of an Egg). Ka tahsa sungah Atui chia Suongmantam ka bang chi puo thei ding ahiei? (Hoe will i carry inside my body a diamond ah large ag an egg).

Thumna ah: Lawchina ding in bangma thuguh aum sih hi (There is no secret for success). Vasa pen ana hakhe sih leng, va

tahsa sunga um Atui chia suongmantam khu kei a hivan, leitunga a lawching pen leh a hausa pen kahi dih ahi, chin na kisie hi. Lawchinna ichi khu abeisa a kimoh mu ahi sih a, akiahambawl/ ponthawanna toh bawl paupau joute bou in tua lawchinna amu ding hi.

Tam teng agen zou in Va khu aleng mang tahi.

Moral: Mihingte pen abeisa silte ah ki suh lunggim in, maban kalsuon thei lou ding khop a lunggim mi atam a, akhente lah lawchin nuom nanleh lawchinna ding in aman (price) pe ngaplou akitam ta ziehin, dihrou tah a sum sui igam in mi ahau mama tahi. Eg Kanni khu mi zousie in ahoilou chi theina pia, Sum mu na ding ahi pou leh Kanni lei haw khosalou kitam zel hi.

~~~oio~~~

---

## **HAUGAULAM BETHELEHEM ZUON CHIET TAVAI**

By Pastor M. Thangboi Zou

**Tangtel:** Ani un Bethelhem tan apei khawm ta uhi (Ruth 1: 19).

**Thumapui:** Amasan simtu zousie ahing pieng ding igal dawt zing uh Mangpa Jesu Khrist min ngainou toh Khristmas chibai ka hing buh hi. Tunin Bethlehem khuo, Ruth leh Naumi tanchin apat mawltah in kikum khawm lei chin ka hing kisah hi.



**Bethlehem khuo:** December a tun chin in Bethlehem khuo ah zin khuoi vaitung abang den hi. Bethlehem khuo pen kho neunou hi zongleh, December ha chin in tam kho neunou vedin mi Million 4 nei den hi. Tamza a mihingten angai khona san khu Hundampa Jesu pienna mun ahi zieh ahi hi. Bethlehem i chipen Jerusalem khuo Hanglam akipat Tai 5 (5 klm) vel a kigamla ahia, Sea level in fit 2,460 a sang ahi. Bethlehem akhietna khu “Ann-bu” (House of Bread) ahi hi. Mihing khat a i pien leh Bethlehem khuo a i pailou phamaw hi, zong vatun ngai teitei ahi. Tami khu’n Hagaulam Bethlehem agenna ahizaw hi.

**Ruth hinkhuo:** Ama ahileh Moab numei (Zentel Numei) ahia, a pasal khu Elimelek leh Naumi tapa Malon zi akhi, a pasal shinuo a a innpinu toh Bethlehem zuon a peinu khu ahi hi (Ruth 1: 19). Ruth ahileh Bethlehem a haw ngainailou ahi zieh in piengtha nailou toh kibang ahi. Ruth Bethlehem angton in piengtha in, tuana kipat in I Mangpa Jese Khrist pienna Khanggui kisutna ah ahing pang tahi (Mt. 1: 5). Nang zong na pientha nailou leh hagaulam Bethlehem na tun masia na peingai (zawt) ding ahi hi.

Ruth a peingailou na mun Bethlehem azawtna din a lungsim a thutanna lienpi anei ngam hi, tuami ahileh, a innpinu Naumi in anuapei kia dia athugen adawtna khu ahi, tuakhu “na pei peina ah

ka pei dinga, na mite ka mite ahi dinga, na Pasion ka Pasion ahi ding hi” (1: 16) chia aget ngamna in, Moab mite pasien taisan ngam a ahing zing Pasion zui ding kahi a china ahi hi. Tunin nang zong piengtha nailou na hileh Ruth banga thutan na na siem ngam ngai ding hi, tunia kipat Pasion leh Kumpi deilouna bangin Sum ka sui non sih dinga, kumtawn hinna katan na din Mangpa Jesu Khrist khu mang-le-hundampa a ka kisan ngai dinga, gitlou nasep chinteng kasem non sih ding hi, chia thutanna dihtah na la ngam chiengin hagaulam Bethlehem na tung pan ding hi. Ruth zong Bethlehem ahing tun ziehin leitung beidong a din Mangpa Jesu pienni akizat tengin ama tanchin zong kigen den ta ding hi. Nang zong Hagaulam Bethlehem nazawt na ding a Ruth bang a sil tampi na taisan ngam ngai ding hi, tuami a din na kiman tai ma Unau?

**Naumi hinkhuo:** Naumi ahileh Ruth innpinu ahi hi. Amapen Bethlehem a ana tengsa mi khat ahi. Kiel (famine) ziehin Beth-lehem nuasie a Moab gam zuon nu khu ahi hi (Ruth 1: 1). Naumi in a ahileh, “piengtha nuatawlte hin-khuo” a ensah hi. Kiel zieh a Naumite innkuonte Moab gam a teng dia va peem zuol uh ahia, nanleh kum 10 bang ateng den uhi (1: 4). Naumi in keil vanga Bethlehem anuo sie vangin a innsung mite kiel in ashi tuon sih uhi (1:19). Kiel zau na zieh a

Bethlehem nuasie a Moab gam avazawt lainin, aman a hingkhuo a mang nonlou ding a it mama a pasal Elimelek, leh atapa tegiel Kilon leh Mahlon ava sun law hi (1:5).

Nang piengtha nu-pa zong leitung thupinate na ngainat zing leh hagaulam a kielna thupitah na tang ding hi. Na puona a pat na thawkia sih leh Naumi bangin na hingkhuo a na deepen na tan thei dinga, thamlou in na hagau zong na mansuo thei ahilam kingai tuo inlen, tunin na puona kipat thou inlen hagaulam Bethlehem na zawt hun ahita hi. Naumi in zong Moab gam a kipat in Pasion in Bethlehem a teng a innsung mite neh-le-tah pieh ahi chi thei a ahing kinuo leh kia a, tuachin Bethlehem a Barli bu at hun laitah in ava tung kia hi (1:22). Nang zong napuo na kipat na hing kileh kia leh Mangpa'n nang leh na innsung mite damna ding alampi hing bawlpie sah ngei ngei ding hi, tuami adin na puohna kipat na kinuo leh kia nuom ei? Unaute aw.

**Akhupsitna:** Ruth in piengtha nailoute hingkhuo ahingn en sah a, Naumi in piengtha san anuotawlte hingkhuo ahing en sah hi. Amaugel in Bethlehem khuo azawt bang un, tunin piengtha nailou te leh piengthasa ana nuotawlten Hagaulam Bethlehem izawt uh ahun tah mama hi. Kiel zieh a Bethlehem nusie a Moab gam naumin avazawt leh a it mama a pasal leh a tapa tegiel a sun lawh

bangin, nang zong leitung thupina leh palun nate na del zing laisie in na hingkhuo a kipahna sangin lungkhemna, mangbatna leh buoina na tuozaw ding a, nanleh Naumi banga puldou nua a Bethlehem anazawt kia leh Barli bu at hun in ava tun a neh akining chin bangin, nang zong na buoinate, na lungkhamnate leh na hingkhuo a hamsatna na tuote Hagaulam Bethlehem na zawt hunhun in Mangpa'n hing suh vengpie sah mai ding hi, tuami din Hagaulam Bethlehem na zuon ut taima sanggam aw? Ruth in azawt ngailou leh atenna kha ngai nailouna mun Bethlehem azawt na dia a innpinu kunga ginum tah a thuchiem anei banga, tua thuchiem ginum tah a azui ziehin, Mangpa Jesu pienna Khanggui kisutna ah apang kha hi. Ruth bangin, nang zong Setan henkawl a natan na kipat Jesu Khrist nuozui die na kichiemna khu manghil lou in tudet tinten lechin, ni khat ni chiengin nang vangin na innsung, na hattuum leh khosung miten Pasion hoina ahing mu ding uhi, tuami adin na kipat nuom tai ma sanggam aw? Hagaulam guolzawlna tanna ding ah abulpen hamsa bang nanleh ginum tah leh chitah tah a zui mite adin atawpna khu guolzawlne leh kipahna loupitah tang uh ahidan thei siem in, tunia kipan hagaulam Bethlehem zuon din kipan tha chiet ta vai chin simtu zousie ka hing chiel vangut hi.

~~~oio~~~

Patron Memberte

- | | | |
|-------------------------------|-------------------------------|---------------------------------|
| 1. (L) Upa T. Chinzakhai | 56. (L) Upa Pumzagin | 111. Pu T. Samuel Tualminthang |
| 2. Pi Warlita Manlun | 57. (L) Rev. Khaamthang | 112. Sya. T. Dongzalam |
| 3. Pu M. Khamzamang | 58. Pu T. Lamzagin ASC (Retd) | 113. Upa Paukhosuan |
| 4. (L) Upa T. Gougin | 59. Upa S. Kammang | 114. Rev. Ginsuanthang |
| 5. Upa M. Kaichinkham | 60. Pu L/Nk Mangchinthang | 115. Upa M.Khupkhanhau(Retd) |
| 6. Pastor P. Vungzathang | 61. Pu Pumkhanmang | 116. Pu M. Haukholian |
| 7. Pu P. Chinzakhup | 62. Upa Tunzagin | 117. Rev. Chinlunmang |
| 8. Pi Chinnu (Mrs.Gouzadou) | 63. Pi Zengaihniang | 118. Pu H. Khaikhogin |
| 9. Upa D. Khupsuanpau | 64. Pu Chinsuanlam | 119. Pu T. Chinkhohau |
| 10. (L) Pu Thangkhanlal | 65. Nu Kangnu | 120. Pastor Khupdokhen |
| 11. Upa M. Jangkhhohau | 66. Pu Genkapthang | 121. Pu Khamkhanhau |
| 12. Pu T. Gouzalal | 67. Pu Paul Henkholal | 122. Pi Lunsuanchiin |
| 13. Upa Jangkhhogin | 68. Upa Nengkhenthang | 123. Pu Tutzamung |
| 14. (L) Upa M. Khamzathong | 69. (L) Rev. P.K. Khama | 124. Pu Dongzakam |
| 15. Pu H. Thangmang | 70. (L) Pi Nuamneikim | 125. Upa Thangchinthang |
| 16. Pu M. Ginzasuan | 71. Pu Dr. David Vumlallian | 126. Sya Thangkhanpiang |
| 17. Pu M. Kailam | 72. Upa Ginzalam | 127. Pi Goikhanman |
| 18. (L) Pu T. Soiminthang | 73. Rev.Kamminthang Tungnung | 128. Upa Zamkhosuan |
| 19. Pu S. Suankhothong | 74. Rev. Thangliankham | 129. Pu Jamchinpau Samte |
| 20. Pu S. Tunsuanhang | 75. Rev. Nangkhanlal | 130. Sya Tunzalang |
| 21. (L) Pu Hauchinmang | 76. Sya Dongzapum | 131. Evan. D. Ginpu |
| 22. (L) Dr. Upa Tongkhokai | 77. Dr. N.D. Samte | 132. Pastor Khamkenthang |
| 23. Pu T. Ginzamang | 78. Pu Sienzathang | 133. Upa Chinsuanpau |
| 24. Pu T. Goupau | 79. Pu Sheshei | 134. Pu P. Tunzamang |
| 25. (L) Dr. Lampu | 80. Rev. S.K. Manlun | 135. Pu Kamneithang |
| 26. Pu P. Sanjeev | 81. Pu Hauliankap | 136. Mother Neumzavung |
| 27. Upa P. Kamzadou | 82. Pastornu Niangzadim | 137. Upa Thongzalam |
| 28. Dr. Ginniing | 83. Rev. Ngilzakhup | 138. Pu Kaikhankap |
| 29. Upa Lt. Col.Thongzadou | 84. Pu Hausuanthang | 139. Ex-Sub. Upa Kaichinpau |
| 30. Pu John Zamkhomang | 85. Upa Khamchinlam | 140. Pu Ex-Hav. Thangzakhup |
| 31. Pu M. Lunkhoneh | 86. (L) Khaiminlian (13 yrs) | 141. Upa S. Suanzakham |
| 32. Pu Kapzamang | 87. Upa H. Khamzamang | 142. P. Chinminthang |
| 33. (L) Pu Hauchinthang | 88. Pu P. Sienzadong | 143. Rev. S. Nengkhanmang |
| 34. (L) Upa S. Khamzalam | 89. Pi Neikhokim | 144. Pu T. Lianchinlam |
| 35. (L) Upa Sub. Lianchinmang | 90. Pu Hausuanlam | 145. David Kapsuanmung Zo |
| 36. Upa S. Zamzalam | 91. Pu Ginminthang (Gigin) | 146. Nh. Vunghauniang |
| 37. Pu Khamzaton | 92. Pu Khupminthang | 147. Tv. Goumuankhup |
| 38. Pi Nemrang | 93. Nu Lhainei | 148. Khupno Tombing |
| 39. Upa Tuahchinhau | 94. Rev. Kamminthang | 149. Ginshanglian Samte |
| 40. (L) Upa Kaikhohau | 95. Pi Ngailianmoi (Momoi) | 150. Ex.Hav. Khupzathang |
| 41. Dr. Jainson Haokip | 96. Pu Aron T. Muanthang | 151. Nu Muanchig Sangma |
| 42. Pu Kapkhanthang | 97. Pu Thongneipau | 152. Sub. P. Goukhanlian Zou |
| 43. Pi Manpi | 98. Pu Dalkhanthang | 153. Ex-Hav. Sianzakhai Munluo |
| 44. Pu Philip Thanglienmang | 99. Upapu Soikhohau Samte | 154. (L) Upa Thangkhekam |
| 45. Upa Haukholam | 100. Rev. Thangkhanmang | 155. Upa Thangkhojam |
| 46. Upa Kaikhanlun | 101. Rev. Nengkhanlal | 156. Pastor Kapkhanhau |
| 47. Pi Lhingneiting (Helhing) | 102. Pastor Lamgen | 157. Pastor Thangkhangomam |
| 48. Pu Thangchinsuan | 103. Pi Cicilia Maman | 158. Pa M. Ginkhankhup |
| 49. Pi Goukhonin | 104. (L) Pastor Kamzathang | 159. Upa T. Pumminlal |
| 50. (L) Pu T. Gouchinthang | 105. Upa T. Nungkhochinpau | 160. Pa M. Khammuanlian Zou |
| 51. Pu M.L. Thanghau Zou | 106. Rev. Dousuanthang | 161. Nh. Momawi Milun |
| 52. Rev. V. Hangminthang | 107. Rev. Hangpi Manlun | 162. Upa M. Hauminthang |
| 53. Rev. Dr. Ginkhanmung Zou | 108. Tv. Hauthang | 163. Pastor Kamsuanlal |
| 54. (L) Ex.Nk. T.Dongminthang | 109. Rev. Thangchinkhup | 164. Ex.Sub.Upa T. Mangkhenmung |
| 55. Pi Neingaihaw | 110. Rev. Kapsuankhup | 165. Pu T. Ginkhothong |
| | | 166. Upa V. Lawmsang |

Koipou Patron member a pang utte a dingin ₹. 1500/- pie in a pang thei gige hi.

If undelivered, please return to

The Editor, Gospel Tangkou
MELC Office, Hqtr. Zomi Colony
Post Box – 10, Churachandpur - 795 128
Manipur, India,
e-mail : melchqtrs@gmail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo,hattuom khanletna ding)

(RNI Regd. No:62170/95 MNP 76)
BOOK POST

To

.....

.....

.....

*Layout & Typesetting @
MELC Office
Printed @
Thawmsons Color Press,
H. Lamka*